

良方彙選



（版）（出）（社）（文）（達）

書 叢 術 方

◀ 印 精 紙 邊 毛 國 本 ▶

【 藥 醫 】 【 數 術 】

獸醫	針灸	推拿	喉科	兒科	婦科	外科	內科	脈法	藥性	詳夢	選吉	相法	堪輿	命理	卜筮
易知	易知	易知	易知	易知	易知	易知	易知	易知	易知	秘書	易知	易知	易知	易知	易知

一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊	二冊	一冊	一冊	
定價三角	定價一角半	近刊	近刊	定價一角半	定價三角	定價一角半	定價一角	定價一角	定價一角	定價二角	定價一角	近刊	定價二角半	近刊	定價五角	定價二角

局 書 華 中 處 售 寄



救急良方彙選序

華元化曰。人有危病。急如風雨。命醫不及。須臾不救。觀其橫夭。實可哀憐。先府君有深慨於斯。因撰國字方書三卷。寬政初。鏤版於醫學以傳。於是自通邑大都。以及窮陬僻壤。藉此而全活者。陸續尤多。乃爲世之鴻寶焉。而又將別編一書。以資醫家應急之便。有志而不果。無何罹沈疴。今年夏五溘逝。簡泣血之餘。念所以仰承先志。質性鈍齷。不能紹述其萬一。尙何有所發揮也。嘗歷覩今代醫師。孰不研其學而逞其技。以理療危險之疾難。而至其稍粗者。則有宿食在上脘。宜用鹽湯苦瓜蒂涌吐之。而却用備急。升降乖錯。闕焉而死者。有中風脫證。當與參附峻補之。而認爲發痧。挑血而立斃者。霍亂不辨乾濕。驚風不別急慢。疔瘡灼艾。火燒貼膏之類。亦間有焉。又至其最下者。則遭卒暴之病。少異於尋常者。瞠眙不知所出。孟浪處措。或至殞命。歸之於天。恬不爲怪。爲醫如斯。不獲罪於冥冥者。幾希。此無地。因不講明救卒拯急之術於素常也。而世所傳。如救急易方。雖名曰救急。其實不論病之緩急。採輯方藥單省。倉卒易辨者。以具各門。不



足端爲危急諸疾之備也。簡丁艱以來。臥病者五閱月。其間時時披閱架藏諸書。於危證門中。遴擇最簡捷者。勒爲上下編。名曰救急良方彙選。唯恐摭撫不精。掛一漏百。未知副先志否。九原叵起。趨庭亡期。徒增慟哭而已。然竊意斯書諸方。悉是前賢所訪。已述其明驗。而歷試之於今。其效應如影響者。後進之士。常熟此編。能諳其證理。預備其藥劑。則奏回天之功於逡巡咄嗟之間者。功不鮮哉。雖然。古人有言曰。病之變狀。不可一概言之。所以醫方萬卷。難盡其理。若至臨其變。則當推未盡之理而運用之。玄機妙。在於神悟矣。丹波元簡廉夫撰

凡例

一是書端爲拯急救危之備焉。凡閒暇之時。宜繙閱之。知某法可以療某病。某物可以理某證。留心記憶。或預畜。或預製。一遇危急。察脉揣腹。審辨甄別。卽與拯救耳。卒病暴疾。或有萬無生機。而翻然致生者。則呻吟窘迫。呼吸危亡之際。須竭心力。死中求活。此仁人之心術。先府君所以深望於醫家輩。亦區區所以輯此書之一大關鍵也。

一病有陰陽寒暑之不同。倉猝之際。或難辨認者。間揭其匡略。以爲蒙學指南。

一中風脚氣之類。證候多端。茲彙輯倉皇拯救諸方而已。其稍涉輕緩。可以從容調理者。概置不錄。

一輯仲景而降歷代諸方。旁及本邦所傳。有一證而臚列數方者。非驚博也。地異產殊。時移物換。此之所有。彼之所無。欲因便取材耳。是乃拯急救危之本意也。

一每方各註所出書目。然多隨見採摘。未遑一一尋究。恐未免差錯。且如拯救諸法。有疏於前而詳於後者。今特採其詳。而切乎施用者。不拘於出典之前後。又如本草綱

目附方。盡載出典。而其元書佚於今而無由乎讎對詳明者。姑以本草附方四字概之。

一金瘡癰撲疔瘡。獨輯內科方。至如貼傳膏散等。責在瘍醫。故一概不錄。一分兩升合。隨時更變。輕重不等。今每方直依元書而載之。不敢以意改易。用者當視病之淺深。察藥柔峻。酌古準今。以從俗便。

丹波元簡識



南京中醫藥大學圖書館藏

急救

良方彙選目錄

上卷

諸卒死門

五絕死門

脫陽門

癰癰門

中暑喝死門

攪腸沙門

諸卒失血門

急喉痺門

卒暴雜症門

附轉筋卒豐

牙關緊急暴盲

舌卒腫瘡毒內攻

目睛突出傷寒并熱霍亂

中惡門

卒中風門

諸厥門

中寒凍死門

霍亂門

脚氣衝心門

卒心腹痛門

附積氣卒疝

鬱胃豚

小便急閉門



南京中医药大学图书馆版权所有

婦人急症門

下卷

疔瘡急症門

破傷風門

諸咬傷門

誤吞諸物門

諸物入肉門

中飲食毒門

小兒急症門

金瘡攪撲門

湯火傷門

諸物入耳門

附

眼入鼻
被物撞入
目着

諸物哽噎門

附

兒頭入
指入竹筒
白

中藥毒門

共三十門

救急良方彙選目錄終



良方彙選上卷

諸卒死門

治心腹卒暴百病。若中惡客忤。心腹脹滿。卒痛如錐刺。氣急口噤。停尸暴卒。用三物備

急丸。

金匱

大黃兩

一兩

乾薑兩

一兩

巴豆

一兩

去皮心

熬外研如脂

右藥各須精新。先擣大黃乾薑

爲末。研巴豆入中。合擣一千杵。用爲散。蜜和丸。亦佳。密器中貯之。莫令歇氣。凡患以

上病者。以煖水苦酒服大豆許三四丸。或不下。捧頭起。灌令下咽。須臾當瘥。如未瘥。

更與三丸。當腹中鳴。卽吐下。便瘥。若口噤。亦須折齒灌之。又古今錄驗司空三物備急散。

療卒死及感忤。口噤不開者。卽本方爲散。服如大豆二枚。

救卒死。客忤死。用還魂湯。

金匱

麻黃兩

三兩

杏仁

七十箇

甘草兩

一兩

右三味。以水八升。煮

取三升。去滓。分令咽之。通療諸感忤。裏實者。用備急丸。表實者。用還魂湯。

金鑑

救卒死方。金匱雄鷄冠。割取血。管吹內鼻中。又方薤搗汁。灌鼻中。



又方後肘半夏末如大豆許吹鼻中。案此千金療五絕法。心下溫者一日亦可治。

又方同灸臍中百壯。又方令人痛爪其人人中即醒。又方以細繩圍其人肘腕中。

男左女右伸繩從背上大椎度以下行脊上灸繩頭。十一壯云五又從此灸橫行各半繩。

此凡三灸各灸三壯即起。又方灸鼻下人中三壯。又方灸兩足大指爪甲聚毛

中七壯。此華陀法亦云三十七壯。

又方秘方集驗燒炭火一杓以醋澆之令患人鼻受醋氣即甦。

救卒死而壯熱者方金匱礬石半斤以水一升半煮消以漬脚令沒踝。

救卒死而張目反折方金匱灸手足兩爪後各十四壯了飲以五毒諸膏散。有巴豆者

救卒死而四肢不收失便者方金匱馬屎一升水三十斗煮取二斗以洗之又以稀牛糞

一升溫酒灌口中灸心下一寸臍上三寸臍下四寸各一百壯瘥。

小兒無故卒死本草附方取葱白納入下部及兩鼻孔中氣通或嚏即活。又方卒死或先

有病痛或居常倒仆奄忽而絕皆是中惡之類。後肘取葱中央心刺鼻令入七八寸無

苦。使目中血出乃佳。一云耳中血出佳。又方以二人以衣壅口。吹其兩耳。倦則易人。亦可以葦筒吹之。並捧其肩上。側身遠之。莫臨死人上。又方以葱刺耳中。鼻中血出者。勿怪。無血難療之。有血者是活候也。又方視其上唇裏弦。有毒息肉。如黍米大。以針決去之。瘡。又方以綿漬好酒。內鼻中。手按令汁入鼻中。並持其手足。莫令驚動也。又方取皂莢如大豆。吹其兩鼻中。嚏則氣通矣。又方灸其脣下宛中。名承漿。十壯。大良。

療卒死而口噤不開者。外臺縛兩手大拇指。灸兩白肉中二十壯。

療卒死而有脉形候。陰氣先盡。陽氣後竭故也。外臺嚼薤脯灌之。

驚怖卒死。本草附方溫酒灌之。即醒。

療火盜兵戈。驚氣入心。不能言語者。危証簡便密陀僧末一錢。清茶調下。驚則氣亂。密陀僧

之重。以去怯而平肝也。

小兒驚死。醫法指南用生慈姑汁和白蜜灌之。



見人斬血籍籍驚愕卒死者本朝經驗溫酒灌之。釀醋亦可。

療火燒悶絕不識人。金以新尿冷飲之。及冷水和蜜飲之。口噤絞開與之。

療因回祿煙薰致死者。古今醫鑑生蘿蔔搗汁頻咽。并嚼塗火瘡。

附免烟薰死法。醫林集要居民逃避石室中。賊以煙火薰之欲死。迷悶中摸索得一東蘿

蔔。嚼汁下咽而甦。又炭烟薰人。往往致死。食蘿蔔一片。著口中。烟氣不能毒人。或預

曝乾為末。備用。亦可。或新水搗爛乾蘿蔔飲之。亦可。或一口呵地。即不死。

退烟散。本朝經驗方預服。免薰烟死。蒿雀數個。去腸實硃砂末。浸蘿藤自然汁一宿。取

出。內瓦器中。鹽吸固濟。煨存性。研末。每服五七分。白湯及冷水下。又療產後血暈。止吐血衄血。又

法。葡萄多食。免死。成膏為良。

療笑死。壽域神方凡口有微氣。心下溫者。用食鹽成塊者二兩。火燒令通赤。候冷研細。以河

水一大碗。同炒至二三沸。放溫。分三次服之。後以鷺翎探于喉中。吐去熱痰三五升。

後服黃連解毒湯三二服。則笑自定。人可活矣。案張子和療一婦人喜笑不休。半年。加半夏竹瀝薑汁極効。喜笑



欲死者。鍼列缺二穴。（在手大指後，臂上三寸。）及大陵二穴。（在掌後橫紋中。）鍼三分立效。

療入井冢悶冒方。臺外取其水洒人面。令飲之。又以灌其頭及身體。即活。若無水。取他水用可也。

又方。壽世保元以水噀其面。并含水調雄黃末一二錢。入水噀之。

又方。本朝經驗急解患人衣。偃臥濕地上。以醋噀其面。蓋以草荐。半時許。即甦。

救暈鍼法。鍼灸聚英假令鍼肝經氣暈。以補肝經鍼入復甦。本朝經驗甘草一二錢。水煎灌下。

又方。玉機微義暈鍼者。奪命穴救之。男左女右。取之不回。却再取右。女亦然。此穴正在手膊

上側筋骨陷中。蝦蟇兒上。自肩至肘。正在當中。醫學綱目云。在曲澤上一尺。針入三分。

又方。鍼暈者。神氣虛也。不可起鍼。以鍼補之。急用袖掩病人。口鼻回氣。內與熱湯飲之。即甦。良久再鍼。甚者鍼手膊上側陷中。即蝦蟇肉上。惺惺穴。或三里。即甦。若起鍼壞

人。門入。



入浴暈倒本朝經驗以冷水灑面及澆周身苦酒一鍾灌口鼻中或醒後衄者蘇子降氣湯

調辰砂飲之

苓朮湯因三治暑濕鬱發或入浴暈倒口眼喎邪手足譫曳皆濕溫類也

附子 伏苓

白朮 乾薑 澤瀉 桂心 右等分水煎服

中惡門

朱犀散得效治中惡中忤鬼氣其證暮夜或登廁或出郊野或遊空冷屋室或人所不至

之地忽然眼見鬼物鼻口吸着惡氣驀然倒地四肢厥冷兩手握拳鼻口出清血性命逡巡須臾不救此證與尸厥同但腹不鳴心脇俱煖切勿移動其屍即令親戚圍繞燒麝香安息香樟木之類直候醒知事方可移歸犀角末五錢麝香 硃砂各二

錢半右爲末每服二錢井水調下如無前藥用雄黃末服一錢煎桃枝湯調灌

走馬湯金匱方療中惡心痛腹脹大便不通杏仁二枚巴豆二枚右二味以綿纏撻令

碎熱湯二合捻取白汁飲之當下老小量之通治飛尸鬼擊



中醫藥大學圖書館藏

又方外臺仰臥以物塞兩耳以兩箇竹筒內死人鼻中使兩人痛吹之塞口傍無令氣得出半日死人噫噫勿復吹也

又方肘灸兩足大拇趾上甲後聚毛中各灸二七壯即愈又方灸右肩高骨上隨年

定幾壯良

又方要訣中惡之證因感冒不正之氣忽然手足逆冷肌膚粟起頭面青黑精神不守或

錯言妄語牙緊口噤或頭旋暈倒昏不知人即是卒厥客忤飛尸鬼擊弔死問喪入

廟登塚多有此病蘇合香丸灌之方見中風候稍甦服調氣平胃散要訣白荳蔻丁香

檀香 木香各二兩 藿香 甘草各八兩 砂仁四兩 蒼朮八兩 厚朴 陳皮各二兩 右

姜棗水煎入鹽一捻

五絕死門

療五絕死方千金夫五絕者一曰自縊二曰牆壁壓迫三曰溺水四曰斃寐五曰產乳絕

皆取半夏一兩細下篩吹一大豆許內鼻中即活心下溫者一日亦可活案夷堅續志添無病

卒死爲六絕死。亦主此方。又醫說載劉大丞毗陵人有鄰家朱之質有一子年三歲忽然卒死脉全無大丞取齊州半夏細末一大豆許納鼻中良久身微煖氣更甦夫人問大丞卒死單方半夏如何活得死人答曰此南岳魏夫人方○此方三因名半夏散療五絕及諸暴絕証。

救自縊死法

金匱

日至暮雖已冷必可療暮至旦小難也恐此當言陰氣盛故也然夏時

夜短于晝又熱猶應可療又云心下若微溫者一日以上猶可活

醫學心悟曰手背見自暮至旦而猶

可輕棄也徐徐抱解不得截繩上下安被臥之一人以腳踏其兩肩手少挽其髮常

弦之勿縱之一人以手按揉胸上數動之一人摩捋臂脛屈伸之若已僵但漸漸強

屈之并按其腹如此一炊頃氣從口出呼吸眼開而猶引按莫置亦勿苦勞之須令

桂湯及粥清少許含與之令濡喉漸漸能咽乃稍止兼令兩人以兩管吹其兩耳

千金

云以甌鼈覆口鼻兩人吹其兩耳此法最善無不活也

又方千金皂莢末以葱葉吹其兩鼻孔中逆出復納之又方以藍青汁灌之並須亟亟

安定身心徐徐緩解慎勿割繩抱取心下猶溫者刺雞冠血滴口中卽活男用雌雞

女用雄雞再以雞屎白如棗許大和酒半盞灌口鼻中卽活又方梁上塵如大豆



各納一筒中。四人各一筒。同時吹兩耳鼻中。極力吹之。

又方

願體集

凡自縊之人。若繩細痕深者。最稱難救。急須令人抱。將結解開。切勿割斷繩。

子。以手揉其項痕。撚圓氣管。并摩按胸腹。或用手捫其口鼻。或用口對口接氣。令一人以腳踏其兩肩。手挽其髮。常令扯急。不可使頭低下。再令一人以膝蓋或手厚裹衣服。緊緊抵住穀道。婦人并抵陰戶。勿令泄氣。若手脚已經僵直。必須盤曲。如僧打坐之狀。急以兩管吹其兩耳。再碾生半夏末。皂角末。吹入鼻孔。以針尖刺鼻下人中穴。以艾灸脚心湧泉穴。男左女右。各三醺。男刺雌雞冠血。女刺雄雞冠血。滴入口中。以安心神。再以薑湯化蘇合丸灌之。如無蘇合丸。以濃薑湯灌之。其一切治法。必待氣從口出。呼吸眼開。方可歇手。甦醒後。只宜少飲粥湯。潤其咽喉。不可驟與飲食。依此拯救。再無不活之理。傷醫大全云。必須心口尚溫。大便未下。舌未伸出者。救治。

又方

管氏五絕治法

徐徐放下。將喉氣管捻圓。揪髮向上揉擦。用口對口接氣。糞門用火筒吹之。以半夏、皂角、搐鼻。以薑汁調蘇合香丸灌之。或煎木香細辛湯調灌。亦得。如甦可。